

चतुर्दशोऽनुवाकः ।

दे॒वं ब॒र्हिः । व॒सु॒वने॑ व॒सु॒धेय॑स्य वेतु । दे॒वीर्द्वारः॑ ।  
व॒सु॒वने॑ व॒सु॒धेय॑स्य वियन्तु । दे॒वी उ॒षा॒सान॑क्ता । व॒सु॒-  
वने॑ व॒सु॒धेय॑स्य वीताम् । दे॒वी जो॒ष्टी । व॒सु॒वने॑ व॒सु॒धेय॑स्य  
वीताम् । दे॒वी ऊ॒र्जा॒हुती॑ । व॒सु॒वने॑ व॒सु॒धेय॑स्य वीताम् ॥  
॥ १ ॥

दे॒वा दै॒व्या हो॑तारा । व॒सु॒वने॑ व॒सु॒धेय॑स्य वीताम् ।  
दे॒वीस्ति॒स्रस्ति॒स्रो दे॒वीः । व॒सु॒वने॑ व॒सु॒धेय॑स्य वियन्तु । दे॒वो  
न॒रा॒शः॑ । व॒सु॒वने॑ व॒सु॒धेय॑स्य वेतु । दे॒वो व॒न॒स्पतिः॑ ।  
व॒सु॒वने॑ व॒सु॒धेय॑स्य वेतु । दे॒वं ब॒र्हिर्वारि॑तीनाम् । व॒सु॒-  
वने॑ व॒सु॒धेय॑स्य वेतु ॥ २ ॥

दे॒वो अ॒ग्निः स्वि॑ष्ट॒कृत् । सु॒द्रवि॑णा म॒न्द्रः क॒विः ।  
स॒त्यम॑न्मा॒यजी॑ होता । होतु॑र्होतु॒राय॑जीयान् । अ॒ग्ने  
या॒न्दे॒वान॑याट् । याँ अ॒पि॒प्रेः । ये ते हो॒त्रे अ॒म॒त्स॒त ।  
ताँ स॑स॒नुषीँ॑ हो॒त्रां दे॒वङ्ग॑माम् । दि॒वि दे॒वेषु॑ य॒ज्ञ-  
मे॒रये॑मम् । स्वि॒ष्ट॒कृ॒च्चाग्ने॑ होता॒भूः ॥ व॒सु॒वने॑ व॒सु॒धे-  
य॑स्य नमोवा॒के वी॑हि ॥ ३ ॥

वी॒तां वे॒त्वभू॑रेक॒ञ्च ॥ अ॒नु० १४ ॥